

Ionna mac tiratna timbiņ rapar

Outna kam

Ionna ma ndo ņgoinna, gan timbiņ rapara tirra Iesusna ritipaikta meikramtairta tumbunna ramoot paņanna neaņga taņrina. Na mana ia Gaius. Na ma Gaiusna imo aņgi ņgeprina, na anna ma kabena Iesusa ripacrena laiplacarmo otacrenan tik. Na ma Gaiusmo ramoot ianna moca matau watna mbopatna, na an ramootna ia Diotrepes. Na ma ramoot ņgoreac, ma ndomo anna Iesusna ritipaikta meikramtairta tumbunna ramoot paņan ndaruna morena.

Raraņ Aetaniacna aiņa morena ramtairmo, aia mimo opotaca morañ

¹ Aku Iesusna ritipaikta meikramtairta tumbunna ņginaja morena ramoot paņan. Na gan timbiņ rapara aku umo tiratnanna, Gaius anna unan, u aukna kaka ņgoin, aku aindopnande, gidik ņgoin aku umo mamatņi ņgoin.

² Na u aukna aikndamoot ņgoin, aku Raraņ Aetaniacmo mbendeica, an una morena reikmo, ma moi wandoik laiņ tarunande. Na aku lamņirena, ņeronņ Ratta una tiņara mo te, u laņ ndeacnande. ³ Na ņgaua Iesusa ripacrena laiplacar ndeida kipca aukmo watca, mina

aukmo aindopatna, u kam gidikca ranğairena, na aku an kam mbaraca tonjon ngoin. Na aku lamjirena memetmbaca u kam gidikca ranğairena ramoot. ⁴ Na aku waracrenanna, aukna mombonik toco kam gidikca ranğaireke, na aku tonjon aniac ngoin, na an tonjonğara aukna tonjon ndeidmo kundrina.

Aiñ laña Gaiusa anna morina

⁵ Na aukna aikndamoot ngoin, u matau ngoinna kam gidikna tipna kirara ranğairena. Na Iesusa ripacrena laiplacarmo, u opotaca moatna. Na an tip kirarna iro kabea, u ndo ndamñi ngocorta meikramtairmo, u ainda morina. ⁶ Ri, laiplacar ndeida aindoprina, u gan Iesusna ritipaikta meikramtairta tumbunmo, u ainda morena, u ndona mamatñina tip kirarmo, u minmo nearrena. Na mina taup mac taña mo te, u minmo otaca mina ndori anğiri taña morena reikca un ndambuña tikca anğia tañrina reiki, u mimo otaca mina taña, na an kirara Rarañ Aetaniaca tonğorina min mbuñ. ⁷ Na mina Iesusna aiña mona ndamñica, mina taña an aiña mori, na mina ripac ngocortanmo ndori kotacnake, mba digirenanna. ⁸ Na aia ainta ramtairmo otac te, an tipna kirarira, aia Rarañ Aetaniacna kam gidikna aiña moa gagrarena.

Diotrepeza tip ngoreaca morina

⁹ Na aku Iesusna ritipaikta meikramtairta tumbunna moca kam ndeidmo timbiñ rapara tirca neanğa kiprina. Na Diotrepes, ma ndomo mina

1:4 1 Ko 4.15, na Pm 1.10 **1:6** Ta 3.13 **1:7** 1 Ko 9.12, na 9.15

paŋan ndaruna moca moreke, ma aina kamma waracraŋ ŋgocor. ¹⁰ Aintik aku nen ndambuŋ nakip te, aku nemo man morina tip kirarna kam ndopnande, na ma aimo kabena kam ŋgoreacna kamb ndeidap mboprina. Na ma mba an tipna kirara ai niŋgikca mba mori, wanaiŋ, ma Iesusa ripacrena laiplacarmo, ndona kaca mba aŋgia taŋrenanna, na kabena ramootta mimo ndorita kac naaŋgi taŋna mo te, ma minmo wandik tiknande, na ma mimo Iesusna ritipaikta meikramtairta tumbunna inik ndeteaca ma mba toŋgorenanna.

Demitiriusa tip laŋa morina

¹¹ Na aukna aikndamoot ŋgoin, u tipemb ŋgorikca kai raŋgai teac, kari ŋgoin ndacari. U tipemb kirarir laiŋ tiŋgikca raŋgairaiŋ. Na ramootta tipemb kirarir laiŋ tiŋgikca morena ramoot, ma Raraŋ Aetaniacna ramoot. Na ramootta tipemb ŋgorikca morena ramoot, ma Raraŋ Aetaniacmo mba watri.

¹² Na meikramtaira muruŋa Demitiriusna tipemb kirarir laiŋta kam ndoprenan. Na Raraŋ Aetaniacna kam gidik toco, ma Demitiriusna tipemb kirarir laiŋta kambmo ma an ndoprina. Na auk toco mana tipemb kirarir laiŋta kirarca mboprena, na ne lamŋirena, aukna kambca anna gidik.

Ionna Gaiusa watna moca

¹³ Na aku unmo kambca timbiŋ rapar mbuŋa tirca, umo neaŋ kipna min, na aku ndo an

kambca timbiŋ rapar mbuŋa tikca neaŋ kikipa, aında toŋgo ŋgocor. ¹⁴ Na aku toŋgorenanna, kidrik rocotta mba eacitndai, te, aku kip laruca, unap aŋga ndoniŋ ndopnande.

¹⁵ Na una iro inikca ma wetwet laŋ ndeacnande. Na una aikora umo ra laŋ neaŋrina, na u aukna aikormo mbop, aku minmo ra laŋ neaŋrina.

**Raraŋ Aetaniacna Kam Wemban Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

8e1073ed-d2dc-5f3a-bb48-5406185123a7